



Gou youq seiz sam nienzgaep, moix ngoenz cungj raen daeggo dahcej daengz gaibuhingz bae conjnae. Gou hix siengj hag, hoeng gou mboujmiz haizconjnae. Ngoenz ndeu, gou doiq daxneh naeuz: “Daxmeh, gou siengj hag conjnae.” Daxmeh naeuz: “Ndei ha! Ngoenzcog gou bae gai cawx haiz hawj mwngz ba!”

Ngoenz daihngaih, daxmeh cawx haiz dauqma, gou sikhaek daenj haiz, ngamq ndwn hwnjdaej, couh lumj boux laeujfiz nei vangh bae vangh dauq, gou lau dwk daengx ndang cungj saenz. Lijndei, yaepndeu couh ndwn maenh lo, ngamq yo din, laemx lo, caekhaex gou in dwk hawj gou da ok ronghrib, gou daej lo.

Gou gietsim hag rox conjnae, moix ngoenz cuengqhag le cungj daengz gaibuhingz bae hag. Daxmeh

youq henz buenx gou, hoeng mbouj guenj gou baenzlawz hag hix conj mbouj rox. Dwg mbouj dwg fuengfap gou mbouj deng? Gou mbouj ndaej naengh deq dai. Gou ansim roengzdaej, sijsaeq yawj bouxwnq baenzlawz conj. O! Gou rox lo, yienzlaiz dwg baenzneix conj ha! Song ga aeu guh baenz cih bet Sawgun, ga ndeu gungj roengzdaej. Gou hag gih yiengh gyoengqde, conj ha conj! Gou conj ndaej lo! Gou ndwn conj mbouj laemx lo, siengj conj bae gizlawz couh bae gizlawz. Gou angq raixcaix. Daxmeh yawjraen gou yienghneix ak, couh buet gvaqdaej umj gou hwnjdaej, riu lo.

Gienh saeh neix hawj gou roxdaengz: Gunnanz lumj danzvangz, mwngz ak de couh nieg, mwngz nieg de couh ak.

(指导老师:李金帅)

Aenboi Dauqdingq Raemx Mbouj Boeg

杯底朝天水不流

上林县大丰镇皇周小学四年级二班 蓝静娜

Aeya! Aenboi dauqdingq, raemx lij mbouj boeg okdaej. Neix dauqdaej vih gijmaz ne, hawj gou daj goek gangj daej.

“Ngoenzneix, raeuz guh aen gohyoz saedniemh ndeu, gig genjdanh, sou aeu sijsaeq yawj lo!” Vangz lauxsae naeuz. Ngoenzneix aeu guh gijmaz saedniemh ne? Vangz lauxsae riu dwk, de itdingh youh saj raeuz lo, gou siengj.

Vangz lauxsae dawz aenboi hoengq caeq aenboi miz raemx rim haenx baij youq baihnaj dou, caiq dawz boi raemx haenx dauj daengz aen boi hoengq haenx bae, menhmenh dwk, aen boi hoengq haenx raemx rim yaek lae okdaej lo, seizneix Vangz lauxsae dawz


mbaw ceij cwnghanghngz ndeu goemq bak boi, aeu fwngzswix rod bingz, fwngzgvaz gaem aenboi menhmenh dawz aenboi dauqdingq gvaqdaej, caiq menhmenh cuengq fwngzswix bae. Gou siengj, Vangz lauxsae baez soeng fwngz, ceij haengdingh doek roengzdaej, raemx hix lae okdaej. Yienghneix, gou doiqlaeng geij yamq. Hoeng gvaq yaep he, gou byaengq da baez yawj, mbaw ceij haenx mbouj doek roengzdaej, raemx hix mbouj lae okdaej. Nanzdauh Vangz lauxsae youq gwnz ceij cat gijmaz doxgaiq? Dou cungj gamjdaengz geizheih, doeklaeng, ginggvaq Vangz lauxsae gejnaeuz, gou cij rox, aenboi dauqdingq boidaej coh mbwn raemx mbouj lae okdaej dwg aenvih gij hoengheiq siengj haeuj ndaw boi bae, hoeng raemx youh siengj lae okdaej, song cungj ligliengh neix doxdingj couh dawz ceij geb youq cungqgyang, hawj mbaw ceij haenx nem youq bak boi mbouj doengh saek di.

Hihi, baezlaeng gou hix guh aen saedniemh neix hawj daeg-nuengx caeq dahcej yawj, hawj gyoengqde rox gohyoz couh youq henz ndang raeuz.

(指导老师:刘海蕙)



aendoz swlhliu



Daxboh, Cingj Mwngz Gujli Gou

爸爸，请你鼓励我

武鸣县仙湖镇中桥小学五(2)班 潘俞霖

ba, maqmuengh go suyoj gou hix mauhghvaq 90 faen! Dwen daengz gij suyoj cingzcik gou, gou miz di najmong. Daj bigonq daxmeh bae diegrog guhhong le, mbouj ndaej seizseiz fujdauj gou yozsiz lo, gou gamjdaengz suyoj mbouj rox geijlai.

Suyoj lauxsae fat gaujgenj lo, “Banh Yilinz 80 faen!” Gou doeksaet yat, gyauej mbouj gamj ngiengx hwnj, nainqueknuek.

Cuengqhag lo, gou caen mboujmiz sim ma ranz, hoeng, gaujgenj yaek dawz ma ranz hawj vnzlaux sij mingzcoh. Madaengz ranz lo, raen daxboh mwngz cingq cawj byaekcaez, gou mbouj gamj hai gaujgenj okdaej. Gwn hauxcaez sat, gou lijdwg mbouj gamj dawz gaujgenj okdaej. Bingzseiz mwngz doiq gou gig yiemz, ca yozsiz gou gig gaenj, gou mizdi loek, gaujsi cingzcik mbouj lijsiengj seiz, song ceh da mwngz lumj duz roeggyauejmeuz cim gou seiz, gou couh lau lo.

Boh, mwngz coi gou bae ninz lo, gou cijndaej sing iq doiq mwngz

naeuz: “Boh, lauxsae ngoenzneix fat gaujgenj lo.” “Dawzdaej hawj daxboh yawjyawj.” Yijvwnz 98 faen, yinghyij 100 faen, mwngz angq lumj gip ndaej gaemz gim nei, dang gou naeuz lauxsae heuh bohmeih sij mingzcoh seiz, mwngz angqfwngfwng sij roengzdaej. “Lijmiz go suyoj ne?” Mwngz baez yienghneix cam, gou damj suk lo, vaiq fan okdaej, mwngz baez yawj 80 faen, najbyak sikhaek nyaeuq roengzdaej, song ceh da cim gij “X” haenx, “cungj yingyungdiz neix cungj mbouj rox guh ma? Daez suenqsoq cungj mbouj rox suenq ma? 5 caeq 0. 5 cungj faen mbouj ok……” Gou dinghdingh ndwn dwk mbouj gamj han saek coenz, neix mbouj dwg mwngz baez daih’ it ndaq gou suyoj ca lo, gou dingq ndaej cungj lau lo.

Daxboh ha, gou rox mwngz muengh gou suyoj hag ndaej ndei, danhseih mwngz cungj yienghneix ndaq gou, hawj gou yied hag yied yaez, hawj gou hojyouq, siengj daengz Ahmandaz, de youq laj ranz lak, de

geiqmaenh gij vah boh de, dwg boh de bingzseiz gujli de, hawj de yungjgi, cij ndaej daiq gyoengq doengzhag deuz nanh, miz boux daxboh yienghneix caen ndei.

Bineix daej, bingzseiz cungj dwk mwngz fujdauj gou yozsiz. Gou engq muengh gou ndaej hag ndei suyoj, engq muengh yozsiz cingzcik ak. Gou ma ranz guh daezmoeg seiz, miz seiz mbouj rox guh, cam mwngz mwngz cungj haengqrengz fok gou, hawj gou daegbied lau. Daxboh ha, gou daegbied muengh mwngz ndaej coengh gou, gujli gou, danghnaeuz bingzseiz gou guh daez suyoj seiz, mwngz ndaej menhmenh son gou, hozraez son gou, mbouj fok gou, yienghneix gou gamjdaengz gou beij Ahmandaz lij miz fuk!

Daxboh, gou rox mwngz dwg ndiep gou, muengh gou cingzcik ndei, danghnaeuz mwngz ndaej vuenh cungj fuengsik he, lai gujli gou, yienghneix mwngz couh dwg gwnz seiqgyaiq boux daxboh ceij ndei haenx lo!

(指导老师:潘丽云)

Daxboh, mwngz yawj bien faenzcieng 《Deihdoengh Ndawde Boh Caeuq Lwg》 gvaq lwi? Danghnaeuz mwngz yawj gvaq couh ndei lo. Ngoenzneix raeuz hag bien faenzcieng neix le, hawj gou gig gamjdoengh. Daxboh mwngz aiq mbouj rox, gou caen dahoengz Ahmandaz miz boux daxboh ndei ndeu, boh Ahmandaz caen rox gujli Ahmandaz lo.

Daxboh ha, gou daegbied ngah mwngz gujli gou, gou engqgya ngah mwngz gujli gou hag ndei suyoj.

Geiq ndaej aen haggeiz gaxgonq, gaujsi sat lo, lauxsae fat gaujgenj roengzdaej.

Caen ndei lo, yijvwnz 98 faen! Yinghyij 100 faen! Gou angq dwk lumj gip ndaej ngaenzdoek nei, dawz song mbaw gaujgenj cuengq youq gwnz gyangfwngz, boq rumz le hawj de mbin hwnjdaej. Itmienh boq rumz, ndawsim itmienh naemj: Suyoj lauxsae vaiqdi daej fat gaujgenj